



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXXV. Quod Religiosi cujuscumque Ordinis, & ubicumque sint, nullo sub
prætextu audeant mercaturam exercere.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Decretum irritans.

fectus, si qui desuper quomodolibet intervenerint supplementum.

§. 5. Decernentes easdem praesentes literas semper firmas, validas, & efficaces existere, & fore suosque plenarios, & integros effectus sortiri, & obtinere, ac dicto Angelo Procuratori Generali, & aliis ad quos pro tempore spectabit plenissime suffragari; Sicque in praemissis per quoscumque Judices Ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane si quid fecus super his à quaquam quavis auctoritate, scienter, vel ignoranter contigerit attentari.

Contraria removet.

§. 6. Non obstantibus praemissis, ac Constitutionibus, & ordinationibus Apostolicis, necnon quatenus opus sit d. Congregationis etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plenè, & sufficienter expressis, & insertis habentes, illis aliàs in suo robore permanens, ad praemissorum effectum, hac vice dumtaxat specialiter, & expressè derogamus, ceterisque contrariis quibuscumque.

Dat. P. An. 2. die 16. Mart.

Datum Romae apud Sanctum Petrum sub Anno Piscatoris die 16. Martii 1669. Pontificatus nostri Anno secundo.

XX XIV.

Concesso Indulgentiarum pro Christi fidelibus Italiae, & Insularum adjacentium divinum auxilium implorantibus pro faelici electione Regis Poloniae, ac liberatione Cretae à tyrannide, & armis communis hostis.

Edita A. D. 1669.

CLEMENS PAPA IX.

Ad futuram rei memoriam.

Prooemium.

Nuper Nos ad divinam opem in praesentibus Ecclesiae necessitatibus implorandam, in omnibus almae Urbis nostrae Patriarchalibus, & Collegiatis, ac Parochialibus, & aliis quibusvis saecularium, & regularium utriusque sexus Ecclesiis campanam majorem hora secunda noctis quotidie, à die prima currentis mensis Aprilis donec aliter ordinaverimus, per spatium octavae partis horae pulsari iussimus. Ac omnibus utriusque sexus Christi fidelibus, qui durante sono campanae huiusmodi flexis genibus, vel aliter prout valerent quinque orationem Dominicam, & salutationem Angelicam in honorem quinque plagarum Domini Nostri Jesu Christi devotè recitarent, ac divinam clementiam implorarent, ut quietam, ac communiter gratam, & acceptam, Ecclesiaeque Dei utilem novi Regis Poloniae electionem benignè largiri, necnon Cretae Regnum à tyrannide, & armis communis hostis liberare dignetur, singulis diebus quibus id agerent, quinque annos, & totidem quadragenas de injunctis eis, aut aliàs quomodolibet debitis poenitentis in forma Ecclesiae consueta relaxavimus. Insuper iisdem Christi fidelibus, qui praemissa per integrum quindecim dierum curriculum peragerent, ac in uno eorundem quindecim dierum verè poenitentes, & confessi, ac sacra communione refecti, Sancti Marci Collegiatam, & Sancti Stanislai Nationis Polonorum Ecclesias Urbis praedictae devotè visitarent, divinamque clementiam ibidem similiter implorarent, plenariam quolibet curriculo quindecim dierum, quibus id egissent, peccatorum suorum indulgentiam, & remissionem misericorditer in Domino concessimus.

Quid faciendum praecribit.

§. 1. Nunc autem, quod fideliter petimus, validiori conjunctarum precum intercessione ab Omnipotentis Dei misericordia impetremus, divinum auxilium in universa Italia, & Insulis illi adjacentibus

pariformiter invocari cupientes; Venerabilibus Fratribus Patriarchis, Archiepiscopis, & Episcopis, aliisque Ecclesiarum Praelatis, & Ordinariis Civitatum, & Dioecesium, Oppidorum, Terrarum, & locorum universae Italiae, & Insularum illi adjacentium huiusmodi, seu eorum Vicariis in spiritualibus generalibus harum serie committimus, & mandamus, ut statim atque ipsarum praesentium literarum transumpta seu exempla, etiam impressa, ad eos pervenerint, campanas pariter diebus singulis per spatium octavae partis horae donec aliter ordinandum duxerint, in suarum respectivè Civitatum, & Dioecesium, Oppidorum, Terrarum, & locorum, tam saecularium, quam regularium utriusque sexus Ecclesiarum pulsari mandent, ac Ecclesias ut infra visitandas designent, seu designari curent.

Indulgentiam plenariam concedit.

§. 2. Nos enim omnibus, & singulis utriusque sexus Christi fidelibus, qui durante sono campanarum huiusmodi quinque orationem Dominicam, & salutationem Angelicam pariter recitaverint, divinamque clementiam ut supra imploraverint, quocumque die id egerint, similem poenitentiarum relaxationem; Illis verò qui continuata per quindecim dies ejusmodi devotione, in uno eorundem quindecim dierum verè poenitentes, & confessi, ac sacra communione refecti Ecclesias per memoratos Ordinarios, & Praelatos, seu eorum Vicarios respectivè, sive illorum iussu designandas devotè visitaverint, ibique divinam clementiam similiter imploraverint, plenariam itidem omnium peccatorum suorum indulgentiam & remissionem, quolibet curriculo quindecim dierum lucrificandam, concedimus pariter, & elargimur. Ceterum regularibus utriusque sexus in perpetua clausura viventibus, necnon aliis Christi fidelibus praedictis in carcere, vel corporis infirmitate, aliove quolibet impedimento detentis, qui Ecclesias ut praemittitur designatas, vel designandas visitare nequiverint, ut ejusmodi visitationem Confessarius ex approbatis, seu approbandis ab Ordinariis in alia pietatis opera commutare, vel in aliud proximum tempus differre, eaque injungere possit quae ipsi poenitentes adimplere poterunt, concedimus similiter, & indulgemus.

Transumptorum fides.

§. 3. Volumus autem, ut earundem praesentium litterarum transumptis seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis eadem prorsus fides in iudicio, & extra habeatur, quae praesentibus ipsis haberetur si forent exhibitae, vel ostensa.

Dat. P. An. die 8. April.

Datum Romae apud S. Petrum sub Anno Piscatoris die 8. Aprilis 1669. Pontificatus Nostri Anno secundo.

Anno à Nativitate Domini Nostri Jesu Christi 1669. Indictione septima, die verò decima mensis Aprilis, Pontificatus autem Sanctiss. in Christo Patris, & D. N. D. Clementis Divina Providentia Papae IX. Anno secundo, supradictae litterae affixae, & publicatae fuerunt ad valvas Basilicae Lateranensis, Principis Apostolorum, & S. Mariae Majoris de Urbe, & in acie Campi Florae, ac aliis locis solitis, & consuetis Urbis, per me Matthiam Ricciardum Sanctiss. D. N. Papae Curf.

Franciscus Perinus Mag. Curf.

Quod Religiosi cujuscumque Ordinis, & ubicumque sint, nullo sub praetextu audeant mercatuarum exercere.

XXXV.

CLEMENS PAPA IX.

Edita A. D. 1669.

Ad futuram rei memoriam.

Sollicitudo Pastoralis Officii, quo Ecclesiae Catholicae per universum Orbem diffusa regi-

mini

Exordium.

mini per ineffabilem Divinæ Sapientię atque Clementię abundantiam præsidemus, Nos stimulat, ut ea, quæ Christianæ Religionis, Catholicęque fidei propagationi remoram, vel impedimentum injicere, ac in Virorum in sortem Domini vocatorum, & præsertim Religiosorum, qui semetipsos abnegarunt, & mundana omnia contempserunt, ut Christum lucrifacerent, ejusque obsequiis mundo corde, & mente tranquilla unice intenderent, honestatis gloria maculam ponere possent salubri sanctiōe è medio tollere, atque radicitus evelle-
re studeamus.

Urban. VIII.
mercaturam
Religiosos
prohibuit.

§. 1. Dudum siquidem fel. rec. Urbanus Papa VIII. Prædecessor noster considerans per Sacros Canones, Conciliorum decreta, & Constitutiones Apostolicas omnibus Religiosis, ac etiam aliis Ecclesiasticis, præsertim in Sacris Ordinibus constitutis, mercaturam, & negotiationes sæculares districte prohiberi, ac valde damnosum, indecorum, & indecens existere hujusmodi personas divino cultui mancipatas, ac præcipue illas, quæ ad prædicandum Sacrosanctum Christi Domini Evangelium destinatæ sunt, mercaturæ, & negotiationibus hujusmodi se immiscere, aut operam dare, per quandam suam in simili forma Brevis die 22. Februarii 1633. emanatam Constitutionem, inter alia, Religiosis omnibus cujuscumque Ordinis, & Instituti tam non Mendicantium, quam Mendicantium, etiam Societatis JESU, eorumque singulis tam tunc in Insulis, Provinciis, Regionibus, & Regnis Indiæ Orientalis, ac Chinæ, & Japonum existentibus, quam in futurum ad illa mittendis, omnem, & quamcumque mercaturam seu negotiationem quocumque modo ab eis fieri contingeret, sive per se, sive per alios, sive proprio, sive Communitatis nomine directe, sive indirecte, aut quovis alio pretextu, causa, vel colore, interdixit, & prohibuit sub excommunicationis lætæ sententię pœna ipso facto incurrenda, ac privationis vocis activæ, & passivæ, officiorum, ac graduum, & dignitatum quarumcumque, & inhabilitatis ad ea, ac insuper amissionis mercium & lucrorum ex eis factorum, quæ omnia à Superioribus Religionum, ex quibus delinquentes existerent, reservanda essent ad usum Missionum, quas eadem Religiones habebant, & in futurum habituræ erant, in Indiis prædictis, & non in alios usus; Ac eisdem Superioribus districte præcepit sub eisdem pœnis, ut in hoc invigilarent, & contra delinquentes ad prædictas pœnas procederent, sublata eisdem facultate hujusmodi delinquentibus aliquid ex dictis mercibus, & lucris quantumvis minimum, remittendi, aut condonandi, & aliàs prout in dicta Urbani Prædecessoris Constitutione, cujus tenorem præsentibus pro plenè, & sufficienter expresso, ac de verbo ad verbum inserto haberi volumus, uberius continetur.

§. 2. Cum autem (sicut non sine gravissimo animi nostri dolore accepimus) multi ex iisdem Religiosis, & personis Ecclesiasticis, propriæ professionis, injunctique sibi gravissimi ministerii immemores, ab ejusmodi mercatura, & negotiationibus sæcularibus non abstineant, sed sese à debita prædictæ Constitutionis Urbani Prædecessoris observatione sub variis pretextibus, coloribus, & subterfugijs eximere conati fuerint, & satagant de præsentibus, in deplorandam animarum suarum perditionem, perniciosum quoque exemplum, & scandalum plurimorum: Nos salutaribus Doctoris Gentium præceptis edocti, quod nemo militans Deo implicat se negotiis sæcularibus, ut ei placeat, cui se probavit, tam grande, tamque exitiosum ab Ecclesia Dei malum Apostolici zeli vigore propellere, scandalorumque inde nascentium occasiones recidere, ac salutem animarum, & Christianæ Religionis, Catholicęque fidei propagationi, quantum Nobis ex alto conceditur, salubriter consulere, omnemque lucrorum munda-

norum spem personis cœlesti militiæ adscriptis, præsertim ad Infidelium conversionem, & Evangelii prædicationem destinatis, & in futurum destinan. quas sicut bonos Christi milites laborare, & ministerium suum honorificare oportet, ut eo studiosius, ac impensus adspirante superni favoris auxilio horrea Domini novis semper frugibus locupletare satagant, omninò adimere decrevimus.

§. 3. Itaque Sacris Canonibus, ac Decretis, & Constitutionibus prædictis inhærentes, illaque, & præsertim memoratam Urbani Prædecessoris Constitutionem in iis, quæ præsentibus literis non adversantur, approbantes, & innovantes, & circa præmissa de novo disponentes, & statuentes; Motu proprio, ac ex certa scientia, & matura deliberatione Nostris, deque Apostolicæ potestatis plenitudine omnibus, & singulis personis Ecclesiasticis tam sæcularibus, quam Regularibus cujuscumque status, gradus, conditionis, & qualitatis, ac cujusvis Ordinis, Congregationis, & Instituti tam Mendicantium, quam non Mendicantium, etiam Societatis JESU, & earum cuilibet, quæ ad Insulas, Provincias, & Regna Indiarum Orientalium, & præsertim in Provinciam Societatis JESU de Japone nuncupatam, ac in partes Americæ, tam Australes, quam Septentrionales à Sede Apostolica, vel Congregatione Venerabilium Fratrum nostrorum S. R. E. Cardinalium negotiis Propagandæ fidei præpositorum, aut ab earum Superioribus sub nomine Missionariorum, aut quovis alio titulo pro tempore missæ fuerint, aut in illis partibus quomodolibet morabuntur, sub excommunicationis lætæ sententię, ac privationis vocis activæ, & passivæ, & officiorum, dignitatum & graduum quorumcumque per eas obtentorum, & inhabilitatis ad illa, & alia quæcumque in posterum obtinenda, nec non amissionis mercium, & lucrorum omnium ipso facto incurrendis, ac aliis Nostro, & Romani Pontificis pro tempore existentis, vel prædictæ Cardinalium Congregationis arbitrio imponendis pœnis, tenore præsentium districte prohibemus pariter, & interdiciamus, ne mercaturis, & negotiationibus sæcularibus hujusmodi quovis pretextu, titulo, colore, ingenio, causa, occasione, & forma, etiam semel, per se, aut median-
tibus ministris, seu aliis personis subsidiariis, directè, vel indirectè, tam nomine proprio, quam suarum respectivè Religionum, seu Congregationum, aut Societatum, etiam JESU, vel aliorum quorumlibet, & aliàs quovis modo, & qualitercumque se ingerant, vel immisceant. Ac ex nunc prout ex tunc, & è contra postquam casus evenerit, merces, & lucra quæcumque, quæ ex hujusmodi mercaturis, & negotiationibus provenierint, & provenient, in usus, & commodum pauperum, Hospitalium, Seminariorum Ecclesiasticorum, ac Operariorum, non tamen Religionum, Congregationum, & Societatum, etiam JESU, seu Instituti eorum, qui in præmissis, vel circa ea deliquerint, sed aliorum non delinquentium harum serie applicamus, qui teneantur consignare merces, & lucra hujusmodi locorum Ordinariis, seu eorum Vicariis in spiritualibus generalibus, aut Officialibus, vel Apostolicis Vicariis, seu Provicariis: Si verò tamquam dictæ Sedis Delegati illa ut præfertur, & non in alios usus distribuere, & erogare debeant; super quibus eorum conscientiam districte oneramus. Et quia in præmissis, & circa ea delinquentes, ut plurimum, pretextu necessitatis, pro eorum Missionibus se excusare præsumunt; excusationes hujusmodi eis, eorumque cuilibet nullo modo suffragari posse, vel debere decernimus, & declaramus.

§. 4. Insuper eisdemmet censuris, & pœnis innodamus, & innodatos fore declaramus Superiores immediatos, ac Provinciales, & Generales

Quod innovat, & confirmat hic Pont.

Pœnam Superioribus permittentibus injungit.

prædictorum Ordinum, Congregationum, & Societatum, etiam JESU, qui eorum respectivè subditos in præmissis, vel circa ea, etiam pro unica vice quomodolibet delinquentes saltem per amonitionem illorum à locis commissi per eos delicti non puniverint; A sententia verò excommunicationis hujusmodi per Superiores, vel alium, seu alios quoscumque, etiam quavis facultate suffultos, nemo ex prædictis delinquentibus absolvi possit, præterquam in mortis articulo constitutus, nisi lucris hujusmodi prius restitutus.

Decretum irritans.

§. 5. Decernentes easdem præsentis literas, & in eis contenta quæcumque, etiam ex eo quod in præmissis interesse habentes, seu habere quomodolibet prætendentes, & alii quilibet cujuscumque status, gradus, ordinis, præminentie, & dignitatis, seu aliàs specifica, & individua mentione digni, illis non consenserint, nec ad ea vocati, citati, & auditi, neque causæ propter quas ipsæ præsentis emanarint, sufficienter adductæ, verificatæ, & justificatæ fuerint, aut ex alia quacumque quantumvis iusta, pia, & privilegiata causa, colore, prætextu, & capite, etiam in Corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vicio, seu intentionis nostræ, aut interesse habentium consensus, aliove quolibet etiam quantumvis magno, & substantiali, ac incogitato, & inexcogitabili defectu notari, impugnari, infringi, retractari, in controversiam vocari, aut ad terminos Juris reduci seu adversus illas aperitionis oris, restitutionis in integrum, aliudve quodcumque Juris, facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in Judicio, vel extra illud uti, seu se juvare ullo modo posse, sed ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac omnibus, & singulis ad quos spectat, & pro tempore quodcumque spectabit, in omnibus, & per omnia inviolabiliter, & inconcusse observari.

Nec aliter judicari posse decernit.

§. 6. Sicque & non aliter in præmissis per quoscumque Judices ordinarios, & delegatos, etiam causarum Curie Cameræ Apostolicæ generalem & Palatii Apostolici Auditores, ac ejusdem Cameræ præfidentes Clericos, Thesaurarium Generalem, Commissarium, aliosque Officiales, & Ministros, nec non S. R. E. prædictæ Camerarium, seu Procamerarium, & alios Cardinales, etiam de Latere Legatos, & d. Sedis Nuncios, cæterosque quoslibet quacumque præminentia, & potestate fungentes, & functuros, in quavis causa, & instantia, sublata eis, & eorum cuilibet quavis auctoritate scienter vel ignoranter contigerit attentari.

Contrariis derogat.

§. 7. Non obstant. quoad ea quæ præsentibus adversantur, prædicta Urbani prædecessoris, ac rec. mem. Bonifacii Papæ VIII. prædecessoris pariter nostri de una, & Concilii Generalis de duabus dietis, ita ut vigore præsentium etiam ultra duas, pluresve dietas quilibet in judicium trahi possit, & piæ mem. Pii IV. & Pauli V. aliorumque Romanorum Pontificum etiam prædecessorum nostrorum super spoliis Cameræ prædictæ applicandis, ac ejusdem Pii IV. prædecessoris de gratis qualescumque interesse d. Cameræ concernentibus in ipsa Camera intra certum tunc expressum tempus præsentandis & registran. itaut præsentis literas ibidem præsentari, registrari, & insinuari nunquam necesse sit, necnon quatenus opus sit, de Jure quæsito non tollendo, aliisque nostris, & Cancellariæ Apostolicæ Regulis, cæterisque Apostolicis, ac in Universalibus, Provincialibusque & Synodalibus Concilii editis generalibus, vel specialibus con-

stitutionibus, & ordinationibus, ac d. Cameræ, & Provincialium, Regnorum, Regionum, Ordinum, Congregationum, Institutum, Societatum, etiam Jesu, Domorum, & Collegiorum quorumcumque, aliisve quibusvis etiam juramento, confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus, privilegiis quoque, indultis, facultatibus, licentiis, & litteris Apostolicis quibusvis Ordinibus, Congregationibus, Institutis, & Societatibus, etiam Jesu, eorumque Superioribus, & personis etiam particularibus, & aliis quibuscumque, etiam speciali nota dignis, & de necessitate juris, vel facti omnino exprimendis etiam cum facultate eligendi posteriorem datam, quam nemini adversus easdem præsentis literas ullo modo suffragari unquam posse statumus, & decernimus, ac sub aliis quibuscumque verborum tenoribus & formis, & cum quibusvis etiam derogatoriis derogatoriis, aliisque efficacioribus, efficacissimis, & infolitis clausulis, irritantibusque, & aliis decretis in genere, vel in specie, etiam motu, scientia, & potestatis plenitudine paribus ac Consistorialiter, & aliàs quomodolibet in contrarium præmissorum concessis, ac etiam pluries confirmatis, approbatis, & innovatis, Quibus omnibus & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut alia aliqua exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata exprimerentur & infererentur, præsentibus pro plenè, & sufficienter expressis, & insertis habentes illis aliàs in suo robore permanens, ad præmissorum effectum motu, scientia, & potestatis plenitudine paribus derogamus, & derogatum esse, & censeri, illaque nemini adversus præsentis literas suffragari volumus, cæterisque contrariis quibuscumque.

Executores deputat.

§. 8. Cæterum volumus, & expressè mandamus, ut eadem præsentis literæ, seu earum exempla etiam impressa notificentur, & intimentur omnibus, & singulis Ordinum, Congregationum, Institutum, & Societatum, etiam Jesu, hujusmodi Superioribus Generalibus, & Procuratoribus Generalibus, ad hoc ut eorum, prædictorum Religiosorum eis respectivè subditorum nominibus illas acceptent, & earum exempla transmittant ad illos cum arctissimis præceptis easdem præsentis literas, & in eis contenta quæcumque plenariè, & integrè, ac verè, realiter, & cum effectu exequendi, & observandi.

Ac insuper quibuslibet locorum Ordinariis, eorumque Officialibus, Vicariis in spiritualibus generalibus, ac Apostolicis, & Capitularibus Vicariis amplam & liberam concedimus, & impartimur facultatem præsentis literas in locis eorum cujuslibet respectivè jurisdictionis publicandi, ad hoc ut illarum ignorantia allegari nequeat, & allegata minimè suffragari debeat.

Transumptorum fides.

§. 9. Et quia difficile foret, præsentis literas originales, ubique ostendi, & publicari, volumus pariter & decernimus illarum transumptis, seu exemplis etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eandem prorsus in judicio, & extra ubique locorum fidem haberi, quæ haberetur ipsis præsentibus litteris, si forent exhibitæ vel ostensæ.

Datum Romæ apud S. Mariam Majorem sub annulo Piscatoris die 17. Junii 1669, Pontificatus Nostri Anno secundo.

Dat. P. An. die 7. Junii.